



## Universitätsbibliothek Paderborn

**DE TRIBVS BONORVM || operum generibus,||  
ELEEMOSYNA,|| IEIVNIO ET ORATIONE;|| deque eorundem  
operum vi, vsu, & || ratione, LIBRI TRES,|| AVCTORE ||  
THEODORO PELTANO SO-||cietatis IESV Theologo.|| AD ...**

**Peltanus, Theodor Anton**

**Ingolstadii, 1580**

Capitis Primi Perioda. De deuotione eiusdemq[ue] causis & effectis.

[urn:nbn:de:hbz:466:1-46891](https://nbn-resolving.de/urn:nbn:de:hbz:466:1-46891)

341

# DE ORATIONE

## LIBER TERTIVS.

*De deuotione, eiusdemq; causis & effectis.*

### C A P V T P R I M V M.

**I**NTER virtutes iustitiae annexas primatum obtinet religio. Appellamus autem religionem, virtutem iustitiae adiunctam non absolutè iustitiam; quia, licet ad alterum spectet, & debitum reddat, (quorum utrumque cum iustitia commune habet) non reddit tamen, quantum debet, sed quantum potest. Etenim si parentibus, aut præcepto-ribus, vel aliâs præclarè de nobis meritis par reddere non possumus, multò minus D E O, cui totum, quod habemus & possumus, debemus insolidum, par reddere poterimus. Ad perfectam autem iustitiae rationem pertinet, ut id totum integrè dependatur, quod debetur.

RELIGIONI autem duplices actus assignari solent: alteri interni, alteri externi. De externis, quod latè pateant, & ad nostrum institutum non ita multum faciant, in praesentiarum nihil; de internis ea solum, quæ ad id, quod explicandum hoc loco suscepimus, sunt omnino necessaria, vel certè admodum opportuna. Inter internos religionis actus primas tenent deuotio & oratio. Deuotio aliud ferè nihil est, quam vehemens quædam animi ad ea, quæ pertinent ad D E I cultum, debitumque eius honorē & reverentiam applicatio; vel, est talis quædam voluntatis affectio, qua homo se suaque omnia promptè alacriterque diuino mancipat obsequio. Breuiter, est voluntas promptè famulandi D E O.

PRIMARIAE deuotionis causæ sunt duæ: Interna vna, extera altera. Externa, quæ principatum obtinet, est D E V S. Hic unus enim est, qui quoscunque visum fuerit temporis puncto deuotos, sibiique addictos efficit. Interna complectitur ea omnia, quæ serio animo versa pertractataq; nostram erga D E V M fiduciam & charitatem excitare nata sunt. Nam cùm deuotio sit peculiaris

Religio virtus  
iustitiae annexa.

DEO nemo par  
reddere valet.

Duplices religi-  
onis actus.

Deuotionis cau-  
se sunt duæ, in-  
terna vna, exter-  
na altera.

u 3            quidam

quidam voluntatis actus, omnisque eiusmodi oriatur ex aliqua intelligentia (est enim voluntatis obiectum, bonum intellectum) non potest ea animi alacritas & promptitudo, qua voluntas in res diuinis fertur, ex aliqua intellectus consideratione non proficisci.

MEDITATIONIS autem deuotionem cire & excitare idonea materia patet latissimè. Verùm ad nostrum institutum quod spectat, tota ad duo capita reduci potest: nempe ad attentā diuinę erga nos clementia & benignitatis, summeq; eiusdem excellētiæ considerationem, & frequentem nostræ malitiæ misericordie contemplationē. Etenim cùm homo beneficia, quæ à Deo Opt. Max. iam antè accepit, subindeq; accipit; & mala itidē tamē penitentia, quæ per eiusdem misericordiam euaſit & identidē evadit, diligenter considerat, fieri vix potest, vt ad redamandum tantum benefactorem, tanq; benignum parentem nō inardescat; notum est enim illud regij vatis: *In meditatione mea exardest ignis.* Amor aut̄ suaptè natura acuit & excitat deuotionem, sicut deuotio vicissim fouet & auget dilectionem. Rursum cùm suam erga Deum ingratitudinem, miseriā, imbecillitatē, frequentes lapsus, vanitatem, sexcentaq; eiusmodi alia crebrò serioq; mente pertractat, fieri planè nequit, vt sibi non dispiceat, totaq; mox fiducia in Deum reicta, eiusdem opem & misericordiam submissè non imploret. *Ad Dominum, clamat Propheta, cùm tribularer, clamavi.*

Vniuersa mediatiōis materia,  
quæ latè alioqui  
pater, ad duo ca-  
pita reduci po-  
test.

Psalm. 38.

Amor acuit &  
excitat deuotio-  
nem.

Psal. 119.

Quid facere de-  
beat, qui deuo-  
tationis gratiam  
consequi desiderat.

*Q*ui se ergo ad deuotionē excitare desiderat (vt unusquislibet Christianorum merito desiderare debet) is primū omnium toto pectore totaq; animi submissione Deum Opt. Max. vt pro sua immensa clementia & benignitate deuotionis gratiam impetriri dignetur, roget & obsecret: Mox grata animi memoria tam priuata quam communia eiusdem beneficia recolat. Perpendat, inquam, secum, quod ad Dei imaginē sit conditus; quod Filij Dei morte & sanguine à dæmonē, inferno, & morte afflatus; quod baptismi Sacramēto initiatus & expiatus; quod Christi carne & sanguine toties pastus; quod tanta patientia ad pénitentiam expectatus; quod tot mediis modisq; ad meliorē vitā frugem excitatus; quod ex tot animis corporisq; periculis liberatus; quod occēcato & curioso hoc sēculo ab errore & hæresi clementer cōseruatus. Postremo ob oculos ponat defectus, quibus scatet; cogitet & doleat, se

tantis

tantis Dei beneficiis tam frequenter tamq; impudenter abusum. Expendat & damnet mentis suæ cæcitatem, voluntatis prauitatem, incensam carnis libidinem, cordis mutabilitatem, fœdam virtutum omnium orbitatem, innatam in bene agendo ignauiam, in male operando alacritatem, frequentem sensuum mentisq; euagationem, ceterasq; vitæ miseras & morum labes; certus, nisi id fecerit, & quidem crebrò & diligenter fecerit, haud temerè ad devotionis apicem se peruenturum. Quandoquidem, ut effectus sine causa, finis absque medio, insularis portus absque nauigatio- ne, ordinaria via non obuenit; ita deuotio quoque vel religio in actu absque meditatione, crebraque earum rerum, quas nunc obiter & ex parte tantum attigimus, pertractatione non facile alicui obtингit.

Deuotio exigit  
meditationem.

DICIS; Si hinc diuinæ potentia, sapientia, clementia, maiestatis &c. inde humanæ miseria, infirmitatis, malitia, ingratitudinis &c. consideratio, deuotionis causa existit, ergo quo quisque fuerit acutior rebusque sublimibus vel subtilibus contéplans aptior, eo erit deuotior; At certa rerum experientia oppositum ostendit. Videmus enim homines rudes, simplices & indoctos magnis sape Theologis & Philosophis multis partibus deuotiores esse. Sic quoq; magis plerunq; ad sui contemptum incensumq; Dei amorē inflammantur, qui incarnati Verbi oconomiam, hoc est, Christi Dñi nostri natuitatem, vitam, crucem, mortem, resurrectionem, damnatorum cruciatus, eorundemq; miseriam, mortis, & quæ huic coniungitur, iudicij qualitatem, aliisque eiusmodi corporalia attentè considerant, quam qui Trinitatis mysteria vel natura secreta anxie indagant.

NAE ita res habet, interim ea quorundam perspicacium vel cruditorū tepidas non prouenit ex indolis bonitate, aut præstantis eruditio- nis vberate: neq; rursum nonnullorū simpliciū deuotio ex naturali eorundē tarditate per se oritur; sed vtrumq; ex bono vel malo vtriusque qualitatis vnu proficiscitur. Etenim excellenti doctrina vel ingenio prædicti, eruditio- nis suę excellentiam, ingeniique perspicacitatem magnificentes, magisque hec ipsa interdum quam diuinam benicitatem admirantes, viribus suis multum tribuunt, de Deo vero rebusq; diuinis parum, aut certè multo quam par est, minus solliciti sunt. Cùm ergo diuinis donis ad

tumo-

Vnde proueniat  
quod rudes, de-  
biles, obfcuri &  
infortunati ma-  
gis plerunq; sint  
deuoti, qua in-  
geniosi, validi,  
illustres, fortu-  
nati &c.

tumorem & fastum abutantur, suamque quam D e i gloriam studiosius nonnunquam aucepuntur, insto D e i iudicio in sua miseria & tepiditate deseruntur; & quod grauius est, quandoq; tanquam putidi & insanabiles omnino abiiciuntur. At verò rudes & simplices suae simplicitatis & infirmitatis non ignari, D e o eiusdemque prouidentiae & gubernationi se totos submittunt atque permittunt; Et quia eiusmodi homines nullum obstaculum diuino influxui ponunt, fit, vt D e v s, qui mites & humiles magni vbi que facit, liberalissime se illis communicet.

E A D E M est causa, cur fœminæ plerque omnes magis sint deuotæ quam viri, eoque deuotiores, quò se fragiliores, hebetiores, pluribusque naturæ donis destitutas intelligunt. Pauperes rursum quam diuites, debiles quam sani validoq; corpore prædicti, obscuri quam illustres, aduersæ fortunæ fluctibus tandem iætati quam fortunati, adeoque, vt multò plura vota in ægritudine & aduersitate quam in sanitate & prosperitate edantur. Interim sanitas, vel alia quæcunque fœlicitas per se non sunt causæ illius frigiditatis & indeuotionis. Nam si eruditi, robusti, fortunati &c. agnoscerent, se eiusmodi naturæ vel fortunæ beneficia ex se non habere, sed gratis à D e o accepisse, iuxta illud Apostoli: *Quid habet, quod non accepisti?* quodque strictam de omnibus rationem olim sint reddituri, & quòd, nisi D e v s pro sua bonitate illa conseruat, temporis punto interirent omnia, non se efferrent, sed humili peccatore pro acceptis beneficiis gratias agerent, Christoque Domino, vt ea conseruaret, & ad bonum vsum dirigeret, demissō animo supplicarent.

P O R R O autem quòd res sensibus obiecta, & inter eas, quæ ad C H R I S T i humanitatem pertinent, magis, dum animo pertractantur ad dilectionem, animique deuotionem quandoq; excitant quam cœlestia, cæteraque à materia vel sensibus abstracta, isthuc non prouenit ex rei, quæ consideratur, natura, sed ex mentis nostræ conditione. Neque enim nos spiritus sumus, vt Angeli, sed caro & sanguis, iisque, quæ sub sensum cadunt, iam inde ab ineunte ætate perpetuo assueti. Quare licet diuina maiestas & bonitas animo conceptæ & pertractatae animi deuotionem excitare secundùm se sint maximè idoneæ (est enim D e v s amabilis super omne amabile, incensus autem amor incësum generat seruorem,

**Cur plura vota  
edantur in ad-  
uersitate quam  
prosperitate.**

**2. Cor. 4.**

**Cur sensib⁹ ob-  
iecta magis ple-  
xunt, mouant  
ad pietatem &  
deuotionem quā  
abstracta & spi-  
ritalia.**

norem, ingentemque animi deuotionem) attamen, quia homines sumus sensu prædicti, carneque vestiti; quemadmodum ad diuinorum mysteriorum cognitionem egemus sensili quadam  $\chi\alpha\sigma$   $\psi\omega\gamma\alpha$ , ita quoque ad obtainendam diuinam dilectionem, internamque animi deuotionem. Inter ea autem CHRISTI humanitas & qua in illam salutis nostræ causa inciderunt, principem locum obtinent. Quod de naturalium secretorum pertractione addebat, leue est: Constat enim, non quævis sublimia vel subtilia animo pertractata deuotionem parere; sed ea solùm vel potissimum, quæ DEI dilectionem, veramq; animi submissionem procreare nata sunt. Quæ autem ad hæc non faciunt, vt rerum naturalium consideratio, deuotionem eleuant sàpe magis quam augent.

PART autem deuotio per se quidem lætitiam, per accidens verò tristitiam, sed talem, quæ sit secundum DEVM. Quomodo autem utrumque affectum alia & alia ratione generet, ex iis, quæ de deuotionis causa proximè in medium allata sunt, spectandum venit. Dicatum est enim, deuotionem ex dupli capite dimanare; hinc nimis ex diuinæ clementiæ pertractione; inde verò ex nostræ miseriæ consideratione; Summa illa summi DEI erga genitum nostrum clementia & bonitas animo concepta per se quidem offert causam lætitiæ, per accidens verò tristitiae. Quandoquidem animus diuino amore incensus, DEVM totius felicitatis fontem apprehendit vt absensem; hoc autem absensis desiderium sua natura affligit, afflictumque cum Propheta exclamare compellit: *Situit anima mea ad DEVM fontem viuum; quando veniam & apparebo ante faciem DEI.* Item: *Sicut cervus desiderat ad fontes aquarum, ita anima mea desiderat ad te DEVS.* Item: *Heu me, quia incolatus meus prolongatus est.* Atverò propriæ miseriæ propriæque infelicitatis & abiectionis contemplatio per se quidem est causa tristitiae, per accidens autem lætitiae. Nam dum iustus suum in hac lachrymarum valle exilium, suam miseriam & quotidianam cruentem mente reuoluit, meritò suspirat & gemit: at verò cum harum calamitatum finem per DEI benignitatē suo tempore futuram animo perpendit, gaudet in Domino, & cum Apostolo exultans dicit: *Non sunt condigne passiones huius temporis ad futuram gloriam,* Rom. 8. *que reuelabitur in nobis.* Item: *Scimus, quoniam si terrestris domus no-* 2. Cor. 5.

Christi huma-  
nitas & pa-  
sionis  
peridoneū me-  
ditationis ar-  
gumentum sub-  
ministrant.

Deus secundum  
se concepimus  
animi recreat, con-  
cepimus autem vt  
absens amans,  
animo morore  
generat.

Deuotio lætitia  
& tristitiam pa-  
rit, sed alia &  
lia ratione,

Psalm. 41.

Psalm. 41.

Psalm. 119.

stra dissoluatur, quod habemus domum non manu factam eternam in cœlis.

Christi Domini  
mors & perpet-  
fio alio & alio  
modo lætitiam  
& tristitiam ex-  
citant.

Contemplatio-  
nō modō inter-  
nā deuotio-  
nē, sed externas  
quoque lachry-  
mas excitat.

Intensum gau-  
dium interdum  
necat.

Tetrici morosi-  
que homines p-  
rādō deuoti.

Tristitia quo se  
cundum Deum  
est, temp̄ cum  
gaudio coniun-  
cta est.

**Q** uod de D E I Opt. Max. excellentia & benignitate, nostræque naturæ infirmitate hic assertum est, hoc ipsum ad C H R I S T I passionem & mortem trahi quoque potest. Nam hæc ipsa etiam vtrumque affectum excitare nata sunt. Tristitiam quidem, dum pœnarum acerbitas earundemque causa, quæ vtique peccata nostra fuere, animo pertractatur; lætitiam vero, dum singularis illa D E I misericordia & charitas, qui hominem usque adeò dilexit, vt proprij Filij morte & sanguine, vulneribus illius mederi voluerit, serio perpenditur. Ad externas vero lachrymas quod attinet, eæ non modò ex vera animi tristitia oboruntur, verum interdum quoque ex quadam sensus teneritudine contemplationisque suavitate. Liquescit enim animus, & in lachrymas difflit, dum immensam illam D E I erga hominem benignitatem & clementiam intensè expendit: Sed & in humanis quoque, dum rei afflictæ & quasi deploratæ inopinatum aliquod gaudium vel gaudij argumentum accedit, aliiquid eiusmodi nonnunquam contingit. Comperiunt enim non semel, qui quod præter spem in amicos vel liberos, quos extintos putabant, forte incidissent, præ lætitiae magnitudine illachrymarunt, nonnulli quoque, qui omnino dissoluerentur.

**C O L L I G E R E** hinc licet, homines morosos, tetricos, agrestes &c. qui absque molestia & tædio cum nemine viuere, cum nullo pacatè versari queunt, perraro vera deuotione ornatos esse. Siquidem vere deuoti & spiritales non solùm ex primaria lætitia causa, quæ est diuina benignitas animo oblata, in Domino sunt læti & affabiles; verum etiam ex secundaria, quæ est priuata miseria, prout sanabilis olimque per C H R I S T U M sa-  
nanda concipitur, consideratio: Quandoquidem tristitia, quæ se-  
cundum D E V M est, qualis solet esse Sanctorum, semper cum gau-  
dio coniuncta est. Hinc illud Augustini: Doleat, & de dolore gau-  
deat. Sic magnos quosdam Santos semper hilares, semper in  
Domino lætos, nec non omnibus, quibus cum agebant, gratos  
acceptosque extitisse legimus. Et de deuotione, eiusdemq; pri-  
mariis causis & effectis hæc breuiter; de oratione, quæ secundum inter-

inter internos religionis actus locum obtinet, similia ferè in considerationem veniunt.

DE ORATIONE SECUNDVM SE,  
eiusdemq; partibus.

CAPUT SECUNDUM.

**E**T si verò oratio propter singularem virtutem & excellentiam, qua pollet, vsumque necessarium, virtus à nonnullis appellatur: imò verò virtutum omnium maxima; per se tamen non est aliqua infusa vel innata vel acquisita virtus: Quandoquidem omni omnino verae rationis virtuti aliquod semper vitium opponitur, orationi autem nullum peculiare vitium aduersatur. Ad hæc virtus est bona mentis qualitas, qua & rectè viuitur, & nullus male vitur. Oratio autem neque mentis qualitas est, nec semper quoque cum bono vsu coniuncta est. Constat enim, fures, adulteros, sicarios, aliosq; id genus nequam & sceleratos homines, ne in crimen vel flagitio, quod animo conceperant, deprehendantur, multū sèpe orare. Tandem Hugo Victorinus constituit tres cōtemplationis partes, lectionem, orationem, & meditationem: sed lectio & meditatio non habentur inter virtutes: ergo neque oratio quoque inter eas censenda est, cùm ipso authore par omnium sit ratio. Sed neque si qua virtus quoque esset, omnium statim prima vel maxima esset: Quia licet concedi posset, inter morales primatum obtinere, Theologicis tamen inferior esset, præsertim Charitate; hæc enim secundum Apostolum inter omnes arcem tenet.

Est autem oratio proprius religionis actus. Nam et si nos nostra oratione nihil quicquam D e o Opt. Max. præstemus, si id solum spectemus, quod orantes petimus; sed aliquid potius beneficium ab eo expectemus; præstamus tamē illi aliquid, si ipsam petitionem secundum se, vel ipsum petitionis modum consideremus. Nam quicunque aliquid ab aliquo petit, ipsamet petitione se inopem, alteriusq; ope & gratia indigentem ostendit, adeoque illi, à quo, quod sibi deest, petit, tanquam superiori, opulenter,

Oratio nō est virtus propria, sed virtutis actus.

Quamvis oratio virtus esset, non omnium tamen præstantissima esset.

Oratio est actus latræ, vel religionis.